

四庫全書

子部

欽定四庫全書

子部
玉海卷四十六

詳校官監察御史_臣邱文愷

主事_臣祁韻士覆勘

總校官進士_臣朱鈴

校對官編修_臣馬啟泰

謄錄監生_臣宋益源

欽定四庫全書

玉海卷四十六

宋 王應麟 撰

藝文

古史

古者天子諸侯必有國史以紀言行後世多務其道
彌繁夏殷已上左史記言右史記事周則太史小史
內史外史御史分掌其事而諸侯之國亦置史官

虞史

大戴禮虞史伯夷 書正義堯典雖唐事本虞史所錄
以五帝之末接三王之初由舜史勒成一家可以為法
上取堯事下終禪禹皆舜史所錄鄭序以為虞夏書二
十篇商書四十篇周書四十篇贊曰三科之條五家之
教是虞夏同科也

唐虞史官典籍

後漢班彪傳其畧論曰唐虞三代詩書所及有史官以

司典籍

注見於史籍者夏太史終古殷太史高摯周太史儋見呂氏春秋

暨於諸侯國

自有史

吳志右國史華覈上疏曰五帝三王皆立史

官叙錄功美垂之無窮

帝王輔佐篇籍

漢古今人表經傳所稱唐虞以上帝王有號謚輔佐不可得而稱矣而諸子頗言之雖不考庠孔氏然猶著在篇籍歸乎勸戒

夏殷春秋

太史圖法

殷冊書典籍

左傳後序汲冢得古文其紀年篇起自夏殷周皆三代
王事唯特紀晉國其著書文意大似春秋經古者國史
策書之常也 史通汲冢璣語記太丁時事而目為夏

殷春秋

隋志古文璣語四卷汲
冢書 六韜禹有史疇

呂氏春秋

通典
同

夏太

史終古考圖法出奔商商太史向摯

一作
高

考圖法出奔

周晉太史屠黍以圖法歸周

書多士惟殷先人有冊

有典注殷先世有冊書典籍說殷改夏王命之意 盤

庚遲任有言注鄭玄云古之賢史

周志

左傳文二年晉狼臆曰周志有之勇則害上不登於明

堂

注周書也
疏周之志記

文六年史駢曰前志有之曰敵惠敵怨

成四年秋季文子曰史佚之志有之曰非我族類其心

必異

注周文
王太史

十五年春子臧曰前志有之曰聖達節昭

十二年仲尼曰古也有志克己復禮仁也二十六年王

子朝奉周之典籍以奔楚哀三年魯司鐸火南宮敬叔

命周人出御書序周禮有史官掌邦國四方之事達

金史卷之六 十六
四方之志諸侯亦各有國史大事書之於策小事簡牘

而已

中庸文武之政布在方策 儀禮百名以上書於策不及百名書於方注名書文也今謂之字

禮小史掌邦國之志注鄭司農曰春秋傳所謂周志國

語所謂鄭書之屬 外史掌四方之志注若魯之春秋

晉乘楚檇杌

誦訓道方志

家語子夏反衛見讀史

志者言晉師伐秦三豕渡河子夏曰非也已亥耳讀史

志者問諸晉史梁曰已亥 春秋正義沈氏云嚴氏春

秋引觀周篇云孔子將修春秋與左丘明乘如周觀書

於周史 漢志儒家周史六弢六篇

即今
六韜

隋志春秋

引周志鄭書之說似當時記事各有職司後又合而撰

之總成書記 金石錄晉太公碑曰太康二年得竹策

書書藏之年當秦坑儒之前八十六歲其周志曰文王

夢天帝曰昌賜汝望

周記

見記類

周考 周紀

漢志小說家周考七十六篇

考周事

臣壽周紀七篇

宣帝時

周史記

詳見書類

汲冢周書史記解第六十一穆王思保位惟難恐貽世
羞欲自警寤作史記維正月王在成周昧爽召三公左
史戎夫曰今朕寤逸事驚予乃取逸事之要戒俾戎夫
言之朔望以聞注集取要戒之言月旦月望於王前讀
其言皮氏華氏夏后殷商有虞氏平林質沙三苗扈氏
義渠平州林氏曲集有巢有鄩共工上衡氏南氏有果

氏畢程氏陽氏穀平阪泉縣宗玄都西夏績陽有洛之
亡

周書

見書類 勇則害上不登於明堂此周志也左氏載於
文公二年杜氏以為周書國子賦轡之柔矣此逸詩也
左傳載於襄公二十六年杜氏亦以為見於周書千里
百縣縣有四郡作雒篇之言杜氏以為上大夫受縣之
注南望三塗北瞻有河度邑篇之言臣瓚以為班氏地

理志之注天子不取反受其咎蕭何以為格言安危在
出令存亡在所用主父偃以為確論記人之功忘人之
過見於陳湯傳左道事君者誅見於王商傳鄭玄釋大
行人曰周書王會篇備焉而寶摯之事益明馬融釋魯
論曰周書月令篇而改火之義愈著顏師古議明堂叙
應門雉門之制復援文王居明堂之篇而後明堂之在
路寢其論始定一行歷議援其時訓之篇天根朝覲爰
始收潦又以維王元祀二月丙辰朔武王訪於周公為

正朔之驗縣縣不絕蔓蔓奈何蘇秦以說魏必參而伍之蒙恬以告秦民有五氣喜氣內蓄雖隱必見李善以注七發湯取天子之璽置天子之座六典既以述符寶穆王有左史戎夫書前代存亡之誠復以論起居注牛弘援蔡邕王肅之言乃以為周公所作若一行與釋後漢史者咸以為周公時訓蓋必有所本矣周史六發六篇周政六篇周法九篇河間周制十八篇並列於儒家蓋與是史互見詳畧者也其書凡七十一篇至顏師

古之時存者四十有五隋唐史志汲冢周書皆十卷見
於雜史類唐志復載孔晁注周書八卷云今傳於世者
視師古所見加多詩皇矣疏引周書稱文王在程作
程寤程典大史而下建官惟五左史書動右史書言
見於玉藻正義謂大史為左史內史為右史

周諸侯史記 魯史記 魯史策書

太史
氏書

國史
三國史記

隋志周官外史掌四方之志則諸侯史記兼有之

左傳序春秋魯史記之名也記事者以事繫日以日繫

月以月繫時以時繫年仲尼因魯史策書成文左丘明

身為國史躬覽載籍

正義周世每國有史記當同名春秋隱七年注仲尼修春秋皆承

策為經丘明之傳博采眾記書序孔子約史記修春秋

昭二年春韓宣子來聘

觀書於太史氏見易象與魯春秋

注云史記之策書

曰周禮盡

在魯

序云韓子所見蓋周之舊典禮經正義魯賢文王之書遵周公之典故云周禮盡在魯

公

羊傳莊七年不修春秋注謂史記也古者謂史記為春

秋公羊之義以為哀公十四年獲麟之後得端門之命乃作春秋至九月而止筆孔子未修之時已謂之春

秋

史記陳世家孔子讀史記至楚復陳曰賢哉楚莊

王輕千乘之國而重一言 晉世家孔子讀史記至文

公曰諸侯無召王 自序自獲麟以來四百餘歲諸侯

相兼史記放絕 孟子晉之乘楚之檮杌魯之春秋一

也注此三大國史記之名乘者興於田賦乘馬之事檮

杌者興於記惡之戒春秋以二始舉四時

春秋正義案外傳申叔時

司馬侯乃晉楚之人其言皆云春秋不言乘與檮杌然

則晉楚私立別號魯守其本名賈逵云周禮盡在魯史

法最備故史記與周禮同名 齊南史執簡以往 董

狐書趙盾以示於朝

魯語臧文仲聞柳下季之言書

以為三笑 宋華督衛孫寘名在諸侯之策 左傳祝

佗曰分魯公備物典策注典策春秋之制 晉徐廣傳

乘志顯於晉鄭春秋著乎魯史 隋牛弘

求遺書劉炫偽造連山易魯史記等錄上 史通史有

三彰善貶惡不避彊禦若晉之董狐齊之南史上也編

次勒成蔚為不朽若魯之丘明漢之子長次也高才博

學名重一時若周之戎夫楚之倚相下也 古者王朝

五史若諸侯之有史僅見於封康叔封伯禽而他

國無所考自晉有乘秦有記魯有史皆私史也或

者其周之東平史之綱要以編年為本而汾王以上諸

侯有世而無年至於共和則國各紀元 周為天子雖
諸侯史記亦得名為周史 古者生子則問史書之二
十五家為問問尚有史況一國乎 養老有信史 飲
酒或佐之史 宮中彤管 左傳史佚有言曰無始禍
無怙亂無重怒因重而撫之其次有立言

注史扶
周任臧

文仲

周百二十國寶書

公羊疏案閔因叙云昔孔子受端門之命制春秋之義

使子夏等十四人求周史記得百二十國寶書九月經

立感精符考異郵說題辭具有其文周史而言寶書寶

者保也以其可世世傳保以為戒公羊之義据百二十

國寶書以作春秋今經止有五十餘國通戎夷宿潞之

屬僅有六十有極美可以訓世極惡可以戒俗者取之

不可為法者皆棄而不錄

据百二十國寶書以為春秋非獨魯也而言內者託王於

魯故言內

戴宏解疑論云聞端門之命有制作之狀乃遣

子夏等求周史記得百二十國寶書修為春秋 春秋

說云孔子欲作春秋卜得陽豫之卦

宋氏云夏殷卦名也

六藝

論云春秋者國史所記人君動作之事左史所記為春秋右史所記為尚書 孝經說云孔子曰春秋屬商孝經屬參 史通墨子曰吾見百國春秋 史記正義何休云孔子集百二十國書

周載

隋志雜史周載八卷東晉臨賀太守孟儀撰畧記前代下至秦本三十卷今亡 唐志雜史孟儀注周載三十

卷

晉春秋 楚書 鄭書

晉語司馬侯對悼公曰羊舌肸習春秋注春秋紀人事之善惡而目以天時謂之春秋周史之法也時孔子未作春秋 楚語申叔時曰教之春秋而為之聳善抑惡教之故志使知廢興者而戒懼教之訓典使知族類行比義 大學楚書曰惟善以為寶注楚昭王時書 左傳襄三十一年子產曰鄭書有之安定國家必大焉先

注鄭國史書

禮小史注國語所謂鄭書

昭二十八年晉司馬叔游

曰鄭書有之惡直醜正實蕃有徒注古書名 昭十五

年景王曰孫伯厯司晉典籍為大政故曰籍氏卒有二

子董之晉於是董史 韓詩外傳孫叔敖治楚三年

而國霸楚史援筆而書之策 記坊記魯春秋記晉云

云

春秋正義云皆在孔子之前

史通璣語又有晉春秋記獻公十

七年事竹書紀年其所記事皆與魯春秋同 齊管仲

曰德刑禮義無國不記作而不記非盛德也 魯曹劌

曰君舉必書書而不法後嗣何觀

魯紀年

隋李德林傳史者編年也故魯號紀年墨子又云吾見
百國春秋史又有無事而書年者 春秋正義釋例云
仲尼春秋皆因舊史之策書義之所在則時加增損春
秋止於獲麟自此以下至十六年皆魯史記之文弟子
錄以續孔子所修之經 祭法疏張融評云孔子刪書
求史記得黃帝玄孫帝魁之書 管子春秋之記注周

公凡例諸侯國史也 公羊傳春秋之信史也 漢班

彪傳定哀之間魯君子左丘明論集其文作左氏傳三

十篇又撰異同號曰國語二十篇由是乘檮杌之書遂

閤 史通竹書曰紀年呂氏春秋肇立紀號 左傳正義
東晉傳云

太康元年汲郡竹
書有紀年十二卷

孔子三史

文中子王道篇謂薛收曰聖人述史三焉 注謂
孔子 書也詩

也春秋也三者同出於史而不可雜也故聖人分焉

賈逵春秋序云孔子覽史記就是非之說立素王之法
家語稱齊太史子餘美孔子云天其素王之乎

八代記

公羊疏襄九年左傳言魯襄公年十二而冠依八代記
即少昊亦十二而冠

青史氏記

見書類 風俗通義引青史子書

秦記

史記六國表太史公讀秦記

索隱曰秦國史記

獨有秦記不載

日月其文畧不具

今在始皇紀贊後蓋秦史之殘闕者

始皇紀李

斯請史官非秦記皆燒之

扁鵲傳公孫支書而

藏之秦策於是出

秦文公十三年初有史以紀

事 秦內史廖

北史柳蚪曰南史抗節表崔氏

之罪董狐書法明趙盾之愆執筆於朝其來久矣

漢魏以還密為記注徒聞後世無益當時著漢魏

者非一氏造晉史者至數家後代紛紜莫知準

的

正史

歷代國史其流出於春秋劉歆叙七畧王儉撰七
志史記以下皆附春秋荀勗分四部史記舊事入
丙部阮孝緒七錄記傳錄記史傳由是經典史
分編年紀傳各有所長編年所載於一國治
亂之事為詳紀傳所載一人善惡之迹為詳編
年其來最古而人皆以紀傳便於披閱號為正

史

漢史記

司馬遷傳司馬氏世典周史談為太史公有子曰遷云云
遷俯首流涕曰小子不敏請悉論先人所次舊聞不敢

缺卒三歲而遷為太史令紬史記金鑽石室之書

漢官儀司

馬遷父談世為太史遷年十三使乘傳行天下求諸侯
之史記又見西京雜記史記正義博物志云遷年二

十八三年六月
乙卯除六百石

五年而當大初元年十一月甲子朔旦

冬至天歷始改建於明堂諸神受記太史公曰先人有

言周公卒五百歲而有孔子孔子卒至今五百歲有能

紹而明之正易傳繼春秋本書詩禮樂之際意在斯乎

小子何敢讓焉於是論次其文七年而遭李陵之禍

天漢

三卒述陶唐以來至於麟止自黃帝始

張晏曰猶春秋止於獲麟師古

曰遷叙事盡太初班彪畧論曰上自黃帝下訖獲麟注太始二年獲白麟

秦撥去古文焚

滅詩書故明堂石室金鑽玉版圖籍散亂

如淳曰刻玉版畫為文字

也漢興百餘年間天下遺文古事靡不畢集太史公仍

父子相繼纂其職曰於戲余維先人嘗掌斯事顯於唐

虞至於周復典之故司馬氏世主天官至於余乎欽念
哉固羅天下放失舊聞王迹所興原始察終見盛觀衰
論攷之行事畧推三代錄秦漢上記軒轅下至於茲著
十二本紀既科條之矣並時異世年差不明作十表禮
樂損益律厯改易兵權山川鬼神天人之際承弊通變
作八書二十八宿環北辰三十幅共一轂運行無窮輔
弼股肱之臣配焉忠信行道以奉主上作三十世家扶
義俶儻不令已失時立功名於天下作七十列傳凡百

三十篇五十二萬六千六百字

正義曰史記起黃帝訖於漢武天漢四年合二

千四百一十三年百三十篇象一歲十二月及閏餘也後漢楊終受詔刪太史公書為十餘萬言為太

史公書序畧以拾遺補蕝成一家言協六經異傳齊百家雜語藏之名山副在京師以俟後聖君子遷之自序云爾而十篇缺有錄無書贊曰自古書契之作而有史官其載籍博矣至孔氏纂之上繼唐堯下訖秦繆唐虞以前雖有遺文其語不經故言黃帝顓頊之事未可明也及孔子因魯史記而作春秋而左丘明論輯其本事

以為之傳又纂異同為國語又有世本錄黃帝以來至
春秋時帝王公侯卿大夫祖世所出春秋之後七國並
爭秦兼諸侯有戰國策漢興伐秦定天下有楚漢春秋
故司馬遷據左氏國語采世本戰國策述楚漢春秋接
其後事訖於大漢其言秦漢詳矣至於采經摭傳分散
數家之事甚多疏畧或有牴牾亦其涉獵者廣博貫穿
經傳馳騁古今上下數千載間斯以勤矣又其是非頗
繆於聖人論大道則先黃老而後六經序遊俠則退處

士而進姦雄述貨殖則崇勢利而羞貧賤此其所蔽也
然自劉向揚雄博極羣書皆稱遷有良史之才服其善
序事理辨而不華質而不俚其文直其事核不虛美不

隱惡故謂之實錄

揚惲始讀外祖太史公記東平王
宇求太史公書王鳳言太史公書有

戰國縱橫之謀天官災異地形
阮塞不宜在諸侯王不可予

藝文志春秋家太史

公百三十篇十篇有錄無書

東萊呂氏曰以張晏所列
亡篇之目校之史記或其

篇具在或草具而未成非皆無書也唯武紀終不見
魏王肅曰漢武帝聞遷述史記取孝景及己本紀覽之
於是大怒削而投之於
今此兩紀有錄無書

馮商所續太史公七篇

注韋昭
曰馮商

受詔續太史公十餘篇在別錄商字子高師古曰七畧
云陽陵人事五鹿充宗後事劉向能屬文與孟柳俱侍
詔願序
隋志漢史記百三十卷目錄一卷 唐志裴
列傳

駟集解八十卷司馬貞索隱三十卷

注開元潤
州別駕

張守節

正義三十卷

開元二十四
年八月作

竇羣史記名臣疏三十四卷

王元感徐堅李鎮陳伯宣注韓琬續史記一百三十卷

葛洪史記鈔十四卷

隋楊素奏陸從典續
史記迄於隋書未就

裴駟集解

序曰徐廣研核衆本為作音義具列異同兼述訓解增

演徐氏采經傳百家并先儒之說或義在可疑則數家

兼列漢書音義稱臣瓚者莫知氏姓今直云瓚曰又都

無姓名者但云漢書音義司馬貞索隱自序曰史記

於班書微為古質故漢晉名賢未知見重晉末徐廣作

音義十三卷宋裴駟作集解合為八十卷南齊鄒誕生

作音義三卷貞觀中劉伯莊作音義二十卷

又撰史記地名二十

卷許子儒注

又音三卷

貞釋文演注重為述贊凡三十卷號索隱

又作補史記序改定篇目補其缺遺重為之注號曰小司馬史記作三皇本紀補其闕

張守節

曰班固漢書與史記同者五十餘卷又史記五十二萬

六千五百言叙二千四百十三年事漢書八十一萬言

叙二百二十五年優劣可知

正義有論史例注
音字例謚法解

晁公

武曰班固譏遷云云遷特感當世之所失憤其身之所遭
寓之於書有所激而為此言耳非其心所謂誠然也

呂氏曰太史公高氣絕識包舉廣而興寄深 史通元
成之間會稽褚先生更補其缺作武帝紀三王世家龜
策日者等傳辭多鄙陋非遷本意也

漢書 史記後傳 春秋考紀

後傳班彪才高好述作專心史籍武帝時司馬遷著史

記自太初以後闕而不錄後好事者頗或綴集

謂揚雄劉歆諸

少孫史孝山之徒

然多鄙俗不足以踵繼其書彪乃述採前史

遺事傍貫異聞作後傳數十篇因斟酌前史譏正得失

其畧論云云今此後篇不為世家唯紀傳而已

隋志云遷卒後好事

者亦頗著述然多鄙淺不足相繼至彪綴後傳數十篇并譏正前失

子固以彪所續前史

未詳潛精研思欲就其業有告固私作國史者弟超言

固著述意郡亦上其書顯宗奇之

史通曰太初以後雜引新序說苑七畧之

辭

召詣校書郎除蘭臺令史與前睢陽令陳宗長陵令尹敏司隸從事孟異共成世祖本紀遷為郎典校秘書固又撰功臣平林新市公孫述事作列傳載紀二十八篇奏之帝乃復使終成前所著書固以為漢紹堯運以建帝業至於六世史臣乃追述功德私作本紀編於百王之末廁於秦項之列太初以後闕而不錄故採撰前記綴集舊聞以為漢書起元高祖終於孝平王莽之誅十有二世二百三十年綜其行事傍貫五經上下洽通

為春秋考紀表志傳凡百篇

紀十二表八志十列傳七十考紀謂帝紀也言考覈

時事具四時以立言

隋志云六十九傳

固自永平中始受詔潛精積思二

十餘年至建初中乃成學者莫不諷誦焉論曰遷文直

而事覈固文膽而事詳固之序事不激詭不抑抗膽而

不穢詳而有體然其論議常排死節否正直而不叙殺

身成仁之美

班昭

曹世叔妻

彪之女兒固著漢書其八表

及天文志未及竟而卒和帝詔昭就東觀藏書閣踵而

成之

劉昭補志序曰續志昭表以是推之八表其班昭所補天文志其馬續所成歟

應劭曰

元成帝紀皆班固父彪所作贊曰臣外祖兄弟為元帝侍中語臣曰注臣則彪也外祖金敞也 劉昭曰司馬

遷作史記爰建八書班固因廣曰十志天人經緯帝政

紘維創藏山之祕寶肇刊石之遐貫

律歷天文

禮樂五行

刑法

地理

溝洫

隋志一百一十五卷漢護軍班

藝文

食貨

郊祀

固撰

應劭集解

建初中始奏表紀傳其十志不就曹大家續

成之中興書目漢書一百卷漢尚書郎班固撰 南

史劉之遴傳鄱陽王範得班固所撰漢書真本獻東宮

皇太子令之遴與張纘到溉陸襄等參校異同之遴錄其異狀數十事大畧云古本稱永平十六年五月二十一日己酉郎班固上而今本無上書年月日唐顏師

古傳為太子承乾注班固漢書上之賜物二百段時人謂杜征南顏秘書為左丘明班孟堅忠臣其所注漢

書急就章大顯於時初師古叔游秦武德初撰漢書決

疑師古多資取其義

志正史類顏游秦漢書決疑十二卷

唐志御銓定

漢書八十七卷

高宗與郝處俊等撰

姚察漢書訓纂三十卷

又著續訓

以發明舊義察珽之
曾祖珽肅宗時人

紹訓四十卷項岱漢書叙傳八卷

陸澄新注八卷漢書英華八卷失姓名

隋志晉葛洪漢書鈔三十卷

文史類史漢異義三卷裴傑開元十七年上

詳見唐七十家

正史

文中子史之失自遷固始也記繁而志寡

談之書遷能終

之彪之史固能修之

王充著書申班而屈馬張輔持

論又劣固而優遷

晉張輔云遷之著述辭約而事舉

叙三千年事唯五十萬言班

漢書外傳

晉謝沈撰

宋志

固叙二百年事八十萬言

序司馬遷於紀傳之外創立八書班氏因之律歷禮樂

其名不變以天官為天文改封禪為郊祀易貨殖平準

之稱革河渠溝洫之名綴孫卿之辭以述刑法採孟軻之書用序食貨劉向鴻範始自春秋劉歆七畧儒墨異部朱贛博採風謠尤為詳洽固並因仍以為三志而禮樂疎簡所漏者多典章事數百不記一天文雖為該舉而不言天形致使三天之說紛然莫辨樂經殘缺其來已遠班氏所述抄舉樂記馬彪後書又不備續

漢東觀記

十意
世祖本紀
漢記

漢史

漢志

見三

統
歷

隋志東觀漢記一百四十三卷起光武記注至靈帝長
水校尉劉珍等撰 唐志劉珍等東觀漢記百二十六
卷又錄一卷 中興書目八卷按隋志本一百四十三
卷唐吳兢家藏已亡十六卷今所存止鄧禹吳漢賈復
耿弇寇恂馮異祭遵景丹蓋延九傳 列傳班固除蘭
臺令史與陳宗尹敏孟異共成世祖本紀遷為郎固又
撰功臣平林新市公孫述等作列傳載紀二十八篇奏
之顯宗時 李尤和帝時賈逵薦召詣東觀安帝時受詔

與謁者僕射劉珍俱撰漢記

張衡永初中

安帝

謁者僕

射劉珍校書郎劉駒駱等著作東觀撰集漢記因定漢家禮儀上言請衡參論其事會並卒而衡常歎息欲終成之及為侍中上疏請得專事東觀收檢遺文畢力補綴又條上司馬遷班固所敘與典籍不合者十餘事

蔡邕前在東觀與盧植韓說等撰補後漢記會遭事流離不及得成因上書自陳奏其所著十意分別首目連置章左帝嘉其才高及王允治邕罪乞繼成漢史太尉

馬日磾曰伯喈曠世逸才多識漢事當續成後史為一代大典邕死其撰集漢事未見錄以繼後史作靈紀及十意又補諸列傳四十二篇湮沒多不存注十意猶前書十志也邕上書曰光武已來唯記紀傳無續志者臣師太傅胡廣畧以所有舊事與臣積累二十餘年得備著作即建言十志皆當撰錄謹科條諸志臣欲刪定者一當接續者四前志所無臣欲著者五律厯意第一禮意第二樂意第三郊祀意第四天文意第五車服意第

六 劉洪在東觀與蔡邕共述律歷記 伏無忌元嘉

中桓帝詔無忌與黃景崔寔等共撰漢記又自采集古今

刪著事要號曰伏侯注其書上自黃帝下盡漢質帝為八卷 侯瑾案漢

記撰中興以後行事為皇德傳三十篇行於世隋志漢皇德紀

三十卷起光武至冲帝 盧植拜議郎與馬日磾蔡邕楊彪韓說

等並在東觀校中書五經紀傳補續漢記 應奉著漢

書後序注袁山松書曰刪史記漢書及漢記三百六十

餘年自漢興至其時凡十七卷名曰漢事子劭集駁議

其見漢記四又論當時行事著中漢輯序 臨邑侯復

好學能文與班固賈逵共述漢史子駒駱入東觀 劉

珍永寧元年詔珍與劉駒駱作建武已來名臣傳

駒駱與珍

著中興以下
名臣列士傳

永平中班固陳宗尹敏孟異共撰世祖本紀固又撰

列傳載紀二十八篇而紀傳始立安帝永初永寧間

劉珍駒駱張衡李尤等撰集為漢記於是又有名臣

列士傳焉永壽中則有崔寔邊韶延篤朱穆鄧嗣伏

無忌之著作熹平中則有盧植馬日磾蔡邕韓說楊彪之補續又作靈紀及補諸列傳四十二篇而紀傳益備唯書志缺邕以十意足之

隋志明帝召班固為蘭臺令史與陳宗尹敏孟異等共成光武本紀固撰後漢事作列傳載紀二十八篇其後劉珍劉毅劉陶伏無忌等相次著述東觀謂之漢記

吳華覈曰班固作漢書文辭典雅後劉珍劉毅等作漢記遠不及固敘傳尤劣唐劉知幾曰古之國史皆出

一家惟後漢東觀大集羣儒而著述無序條章靡立由
是伯度譏其不實公理以為可焚張蔡糾之於當代傅
范嗤之於後葉 侯瑾案之為皇德傳應奉刪之為漢
事華嶠定為漢後書司馬彪修為續漢書范曄集諸家
為紀志列傳 文選魯靈光賦注引東觀漢記序漢以
炎精布耀或幽而光 地理志南陽舂陵師古注引漢
記元朔五年封買為侯 續志注引蔡邕表志

光武中興頌

東平王蒼傳永平十五年春行幸東平帝以所作光武本紀示蒼蒼因上光武受命中興頌

續漢書 八志

隋志續漢書八十三卷晉秘書監司馬彪撰

唐志同錄一卷

晉司馬彪傳彪高陽王睦之長子泰始中為秘書丞注莊子作九州春秋以為先王立史官以載善惡是以春秋不修則仲尼理之闕睢既亂則師摯修之前哲豈好煩哉蓋不得已也漢氏中興迄於建安忠臣義士亦已

昭著而時無良史記述煩雜譙周雖已刪除然猶未盡
安順以下亡缺者多彪乃討論衆書綴其所聞起世祖
終孝獻編年二百錄世十二為紀志傳凡八十篇號續

漢書

魏志注引司
馬彪敘傳

梁天監中劉昭集注後漢一百八

十卷昭注補志序曰永平執簡東觀紀傳雖顯書志未
聞推檢舊記先有地理張衡靈憲天文已煥蔡邕協妙
元卓律厯以詳承洽伯始禮儀克舉郊廟社稷祭祀該
明輪駢冠章車服贍列於是應譙續其業董巴襲其軌

司馬續書總為八志律厯之篇仍乎洪邕車服之本即

依董蔡儀祀得於往制百官就乎故簿接繼班書通其

流貫叔駿之書是謂十典范序未周志遂全闕廼借舊

志注以補之分為三十卷以合范史律厯本劉洪禮

儀胡廣蔡邕祭祀蔡邕天文五行應劭董巴郡國東觀記伏

百官東觀延篤輿服蔡邕宋朝乾興元年十一月戊

寅孫奭請校定劉昭補注志三十卷鏤板頒行從之職官

輿服之制

尤為詳備

次定四庫全書

漢後書 十典

晉華嶠傳武帝時典著作惠帝元康初以嶠有良史之志轉秘書監嶠以漢記煩穢慨然有改作之意為臺郎典官制事由是徧觀秘籍遂就其緒起光終獻一百九十五年為帝紀十二皇后紀二卷十典十卷傳七十卷又三譜序傳目錄凡九十七卷易外戚傳為皇后紀以次帝紀改志為典名漢後書奏之詔朝臣會議時中書監荀勗等咸以嶠文質事核有遷固風藏之秘府後汝

南王亮衛瓘為東宮傅列上通講嶠撰十典未成子暢續之永嘉喪亂存者三十餘卷 隋志後漢書十七卷

本九十七卷今殘缺

晉少府卿華嶠撰

唐志三十一卷

晉諸公贊曰嶠

撰後漢書世稱為良史 范史班固傳論畧華嶠之辭

永平中班固尹敏等作世祖本紀及建武功臣列傳永初中劉珍等作建武後至永初間紀傳及伏無忌等作諸王王子恩澤侯并單于西羗地理志邊韶崔寔等作皇后外戚順帝功臣傳百官表成百十四篇號漢記熹

平中盧植馬日磾蔡邕等續補為東觀漢記合百二十
六卷薛瑩華嶠之書皆取於此

後漢書

謝沉後漢書

宋書范曄為吏部郎元嘉元年左遷宣城太守不得志
乃刪衆家後漢書為一家之作至屈伸榮辱之際未嘗
不致意焉自序畧曰詳觀古今著述及評論殆少可意
者班氏最有高名既任情無例唯志可推耳博瞻可不
及之整理未必愧也吾雜傳論皆有精思深旨至於循

吏以下及六夷諸序論筆勢縱放實天下之奇作其中
合者往往不減過秦篇贊自是吾文傑思殆無一字空
設此書行故應有賞音者自古體大而思精未有此也

隋志後漢書九十七卷宋太子詹事范曄撰 唐志

九十二卷論贊五卷

隋志讚
論四卷

中興書目後漢書一百

二十卷

并劉昭
補注志

曄作紀十志十列傳八十凡百篇十志

未成初曄令謝儼撰志搜次垂畢會曄亡儼蠟以覆車

一代為恨

梁劉昭
補成之

注引序例

唐章懷太子賢與張士
安劉訥言等為之注

晁氏志後漢九十卷志三十卷皆叙作書之意以比方
班氏然世多譏曠創為皇后紀及采風俗通王喬抱朴
子左慈等詭譎事列於傳又贊辭佻巧失史之體 史
通漢中興以來劉珍等作漢記見上 晉司馬彪為續漢書
華嶠為漢後書其十典不成 自後作者相繼為編年者四族

創紀傳者五家至宋宣城太守范曄乃廣集學徒窮覽
舊籍刪煩補畧作後漢書會曄以罪被收十志未成先
是晉袁宏抄撮漢氏後書依荀悅體著後漢紀三十篇

南史梁劉昭集後漢同異以注范曄後漢世稱博悉

又吳均注後漢書九十卷 唐志章懷太子賢注一百

卷賢命劉訥言格希玄等注

儀鳳元年十二月二日丙申皇太子賢上所注

後漢書詔付秘書省

劉昭補注五十八卷劉熙注范曄書一

百二十二卷韋機音義二十七卷蕭該劉芳臧兢

音合七卷

隋志臧兢范漢音訓三卷劉芳音一卷蕭該音三卷

晉謝沈傳

有史才著後漢書百卷及毛詩漢書外傳行於世

其學在虞預之右 隋志吳謝承撰後漢書一百

三十卷

無帝紀 唐志錄一卷 志承撰後漢書百餘卷

吳

晉薛瑩後漢記六十

五卷

本一百卷 唐志百卷

華嶠書十七卷

本九十七卷 今殘缺

謝沈書八十

五卷

本一百二十二卷 唐志一百二十二卷 外傳十卷

張瑩後漢南記四十五卷

本五十卷

袁山松書九十五卷

本一百卷 唐志一百一卷 錄一卷 晉本傳山松著

後漢書百篇

宋志引山松漢百官

志

唐志有劉義慶書五十八卷

宋范曄書九十七

卷讚論四卷漢書續十八卷梁劉昭注曄書一百二十

五卷梁有蕭子顯書一百卷王韶後漢林二百卷韋闢

音二卷雜史有漢侍中劉艾撰二帝紀三卷

梁六卷

張緬

後漢畧二十五卷

唐志葛洪後漢書鈔三十卷

文心雕龍後漢紀

傳發源東觀袁張偏駁薛謝疏繆若司馬彪之詳實華嶠之準當則其冠也

三國志

晉陳壽傳壽為著作郎撰三國志凡六十五篇時人稱其善序事有良史才張華深善之曰當以晉書相付夏侯湛時著魏書見壽所作而罷元康七年尚書郎范頽等上表曰故治書侍御史壽作三國志辭多勸戒有益

風化文艷不及相如而質直過之詔洛陽令就家寫其書不為丁儀立傳又言諸葛亮將畧非長議者少之壽

又撰古國志五十篇益部耆舊傳十篇

壽定諸葛亮故事為二十四篇

隋志晉陳壽三國志六十五卷

欽錄一卷

宋裴松之注何

常侍論九卷徐爰評三卷

唐志徐衆

晉王濤序評三卷盧宗

道魏志音義一卷三國鼎峙魏氏及吳並有史官晉時

巴西陳壽刪集三國之事唯魏帝為紀其功臣及吳蜀

之主並為傳各依其國部類相從唐志魏志三十卷

蜀十五卷吳二十一卷 中興書目初王沈撰魏書

四十

八為時諱惡殊非實錄項峻撰吳書韋昭續成之五十

五卷 隋志二 壽集為三國志撰魏紀四列傳二十六吳

十五卷

列傳二十蜀列傳十五 史通先是魏魚豢私撰魏畧

五十後孫盛撰魏氏春秋 二十王隱撰蜀記 七張勃撰

卷

卷

卷

吳錄 三十宋文帝以志簡畧命裴松之兼采衆書補注

卷

其缺世言三國志以裴注為本 元嘉六年七月二十四

日上之表云詔使采三

國異同以注國志壽書銓序可觀事多審正近世之嘉
史然失在於畧時有脫漏臣上搜舊聞傍摭遺逸願以

愚意有所論辨

注引吳歷

隋志有晉環濟吳紀

九卷

吳左右國史薛瑩華嚴

陰澹魏紀十二卷

後魏書梁祚撰并陳壽三國志名曰國統

隋志雜史魏國統二十卷

文中子陳壽有志於史依大義而削異端 晁氏志

以魏為紀而稱漢吳為傳又改漢曰蜀世頗譏其失

蜀志注引孫盛異同記又引蜀記孫盛蜀世譜譙周蜀

本紀

晉史 晉紀 晉書 晉中興書 十志

列傳王隱父銓有著述之志私錄晉事未就隱受父業

西都舊事多所諳究太興初

元帝

召為著作郎

隱及郭璞俱為著作

郎

令撰晉史

晉春秋云王隱著國史成八十八卷

時虞預私撰晉書而生

長東南不知中朝事數訪於隱并借隱所著書竊寫之

隱依庾亮亮供紙筆乃成書詣闕上之文辭鄙拙蕪舛

不倫其書次第可觀者其父所撰文體混漫者隱之作

也

本九十三卷隋志八十六卷春秋正義引王隱晉書

干寶博覽書記中興

草創未建史官中書監王導上疏宜建立國史撰集帝

紀宜備史官敕佐著作郎干寶等撰集於是著晉紀自

宣迄愍五十三年凡二十卷奏之其書簡直而婉稱良

史

隋志二十三卷
劉彤注四十卷

虞預著晉書四十四卷

隋志二十
六卷註明

帝

會稽典錄二十篇諸虞傳十二篇行於世 謝沈有

史才康帝時為著作撰晉書三十餘卷沈先著後漢書

百卷及漢書外傳 郗紹作晉中興書何法盛竊之凡

七十八卷起東晉 徐廣領著作敕撰成國史

廣舉荀
伯子王

韶之為佐郎
同撰晉史

義熙初年

成晉紀四十六卷上之

隋志
四十

五 鄧粲著元明紀十篇

隋志十一卷
龍鄧粲晉紀始立條例

荀

綽撰晉後書十五篇

隋志綽晉後
書記五卷

東晉武帝時佐著

作郎撰晉書帝紀十志

著晉書
紀志

南史裴松之著晉紀

謝靈運為秘書監撰晉書粗立條流 沈約撰一百

二十卷條流雖舉采掇未周

失第
五卷

齊臧榮緒括東西

晉為一書紀錄志傳百一十卷

後魏書崔浩以晉書

諸家多誤著晉後書未就傳世者五十餘卷 元帝建

武元年十一月丁卯置史官

晉史十八家

隋志晉書有王隱

八十卷

虞預

三十卷

朱鳳十卷

本十四卷
訖元帝

謝靈運

三十卷

臧榮緒

一百卷

蕭子雲

十一卷

本一百二卷
梁有鄭忠七卷沈

約一百十一卷庾銑東晉新書七卷亡又蕭子顯晉史
草三十卷梁張緬晉書鈔三十卷張氏晉書鴻烈六卷

中興書有何法盛

七十卷

晉紀有陸機

四十卷

干寶

三十卷

曹嘉

之

十卷

鄧粲

十一卷

宋劉謙之

二十五卷

南史云二十卷

王韶之

十卷

徐廣

四十卷

郭季產續

五卷

陽秋有習鑿齒孫盛檀道鸞之

書

卷見上

又有荀綽晉後畧記五卷

唐志又有晉錄五卷

貞

觀二十年閏三月詔曰十有八家雖存記注才非良

史書虧實錄榮緒煩而寡要行思勞而少功叔寧味同
畫餅子雲學堙洄流處叔不預於中興法盛莫通於創
業洎乎干陸曹邵畧紀帝王驚盛廣松纔編載祀其文
既野其事罕有

唐御撰晉書

志房玄齡褚遂良許敬宗來濟陸元佐劉子翼令狐德
棻李延壽等二十一人修名為御撰一百二十卷 會
要貞觀二十年閏三月四日詔宜令修纂所更撰晉書

銓次舊聞裁成義類如修五代史故事於是司空房玄齡中書令褚遂良太子左庶子許敬宗掌其事來濟陸元佐劉翼李淳風李義府薛元超上官儀崔行功辛玄馭劉肅之楊仁卿李延壽張文恭並分功撰錄令狐德棻敬播李安期李懷儼詳其條例以臧榮緒晉書為本為十紀十志七十列傳三十載記其太宗所著宣武二帝及陸機王羲之四論稱制旨焉房玄齡已下稱史臣凡起例皆播獨創其以書賜皇太子及新羅使者各

一部

案修史事志有二十一人會要止有二十八人無趙弘智名

列傳令狐德棻

會修晉史房玄齡奏起之預東十有八人德棻為先進

類例多所諏定敬播撰晉書大抵凡例皆播所創

書目太宗以晉史何法盛等十八家制作雖多未能盡

善

於是敕史官更加纂錄採正典與舊說數十部兼引偽史十六國書為百三十篇

命來濟李

淳風李義府等十三人分掌著述令狐德棻敬播等

四人考正類例凡例多出敬播天文律歷則李淳風為

之惟宣武紀陸王傳論太宗自為之故總題曰御撰云

當時修史者多文辭之士好采詭異以廣聞見學者譏之
天寶六載何超撰音義三卷 唐志又有徐堅晉書一百十卷又開元二十年高希嶠上注晉書一百三十卷

宋書 宋略

唐志沈約宋書一百卷王智深三十卷又宋紀三十卷
裴子野宋略二十卷鮑衡卿王琰宋春秋各二十卷

隋志宋書徐爰孫嚴撰皆六十五卷梁有宋大明中所

撰六十一卷沈約撰齊紀二十卷 梁沈約傳齊建元

四年敕撰國史永明二年兼著作撰次起居注五年春

敕撰宋書六年二月畢上之 史通宋史元嘉中著作

郎何承天草創紀傳

一本云止於武帝功臣其志唯天文律歷

自此外委山

謙之又命裴松之續成國史尋卒孫冲之表求別自創

立為一家之言孝建初蘇寶生續造諸傳元嘉名臣皆

其所撰大明六年徐爰踵成前作

起義熙初訖大明末

其臧質魯

爽王僧達諸傳又皆孝武所造沈約本承天舊書兼採

謙之冲之寶生徐爰諸說

一本云約更製新史

始自義熙終於昇

平三年為紀十志三十列傳六十合百卷

唐志卷同今本到秀之

傳卷末殘缺

志乃無載魏晉論者以為失於

限斷

元嘉十六年承天攝國史其志十五篇

永明末

裴子野

松之曾孫

刪為宋畧二十卷叙事評論多善約見而

嘆曰吾所不逮也世言宋史者以裴畧為上沈書次之

中興書

自卷同

齊書 齊典 齊春秋 齊紀 十志

唐志蕭子顯齊書六十卷 書目今存五十九卷初

江淹著十志沈約著齊紀二十卷子顯表於梁武別為

此書紀八志十一列傳四十

合五十九篇

天文志但紀災祥

州郡不著戶口祥瑞多載圖識表言素不知戶口且

天文復秘不私載焉曾鞏序謂子顯之文喜自馳騁其

更改破析藻續之變尤多吳均亦表請撰齊史遂撰

齊春秋三十篇

唐志卷同

南史熊襄著齊典上起

十代其序云尚書堯典謂之虞書則附所述通

謂之齊書名為河洛金匱 隋志齊典五卷王

逸撰梁有江淹齊史十三卷 齊建元二年初

置史官以檀超江淹掌史職上表六條例又著

十志

淹言修史之
難無出於志

梁書 梁典

唐志姚思廉梁書五十六卷

紀六列
傳五十

隋志梁典三十

卷劉璠撰三十卷何之元撰

唐志有謝吳
三十九卷

姚思廉傳

父察在隋修梁陳二史未就採謝吳顧野王等諸家推

究總括為梁陳二家史以卒父業賜雜綵五百段

陳顧
野王

撰國史陳書

紀傳二百卷

史通梁武帝時周興嗣鮑衡卿謝昊

昊四

十九卷

撰錄已百篇後亡逸何之元劉璠合撰梁典三

十篇

之元著梁典起齊永元元年迄於王琳遇獲七十
五年行事為三十卷姚察梁書帝紀七卷許

亨梁史五
十三卷

云云

陳書

唐志姚思廉陳書三十六卷

紀六列傳三十
魏徵等同撰

史通陳

史初有顧野王傅綽大建初陸瓊續撰

陸瓊陳書
四十二卷

姚察

刪改察有志修梁陳二史至貞觀初

三年

其子思廉為著

作佐郎續成之

魏徵唯載其總論

陳書歷三世傳父子數

十歲而後成嘉祐六年八月校讎八年七月始

校定

後魏書 魏典

北齊天保二年詔魏收撰魏史勒成十一紀九十二列傳合一百一十卷五年三月奏上之十一月奏十志天象地形至官氏釋老凡二十卷合一百三十卷分為十二表隋以魏收所撰書褒貶失實平繪為中興書事不

倫序詔魏澹別成魏史為十二紀七十八列傳史論及

例各一卷合九十二卷 書目今收書紀闕二卷傳闕

二十二卷不全者三卷志闕二卷補以魏澹張太素所

作及北史高氏小史修文殿御覽

澹及太素書今亡

唐志魏

收後魏書一百三十卷魏澹一百七卷張太素一百卷

裴安時元魏書三十卷 唐舊史張太素撰後魏書一

百卷天文志未成一行續成之

志又有張太素魏書百卷

隋志魏

彥深撰一百卷 唐元行沖傳以系出拓拔恨史無編

年乃撰魏典三十篇事詳文約學者尚之

會要景龍三年十二月

志雜史類魏典三十卷

北齊書

唐志李百藥五十卷

紀八列傳四十二

後周書

唐志令狐德棻五十卷

紀八傳四十二

隋書

唐志隋書八十五卷志三十卷

紀傳五十五卷

顏師古孔穎達

于志寧李淳風韋安化李延壽與令狐德棻敬播趙弘智魏徵等撰 會要顯慶四年二月司更大夫呂才著
隋紀二十卷

唐五家史

梁周

陳隋

齊

五代史志

令狐德棻傳武德初為秘書丞

會要武德四年十一月起居舍人德棻言

建

言近代無正史梁陳齊文籍猶可據至周隋事多捐脫
今耳目尚相及史有所憑一易世事皆汨暗無所掇拾
陛下受禪於隋隋承周二祖功業多在周今不論次各

為一王史則先烈世庸不光明後無傳焉帝喟然於是

五年十二月

二十六日

詔中書令蕭瑀王敬業殷聞禮主魏封德

彛顏師古主隋崔善為孔紹安蕭德言主梁裴矩祖孝

孫魏徵主齊竇璡歐陽詢姚思廉主陳陳叔達庾檢及

德業主周由魏迄隋振整論撰歷年不能就罷之貞觀

三年復詔撰定

議者以魏有魏收魏澹二家已詳惟五
家史當立會要三年於中書置秘書

內省修
五代史

德業更與秘書郎岑文本殿中崔仁師次周中

書舍人李百藥次齊著作郎姚思廉次梁陳秘書監魏

徵次隋左僕射房玄齡總監修撰之原自德業發之書
成賜絹四百匹遷禮部侍郎 會要貞觀十年正月

二十日壬子尚書左僕射房玄齡等撰成周梁陳齊隋
五史上之進階頒賜有差顯慶元年五月四日 已史

官修梁齊陳周隋五代志三十卷 始禮儀
終經籍 太尉無忌進

之 貞觀十五年詔于志寧李淳風李延壽同修五代史
志勒成十志三十卷後編入隋書合八十五卷 史

通十志三十卷雖編入隋書
其實別行呼為五代史志 孫思邈傳魏徵等修齊

梁周隋等五家史屢咨所遺其傳最詳 志又有吳

兢齊史十卷梁史十卷陳史五卷周史十卷隋史二十
卷張大素北齊書二十卷隋書三十二卷雜史有張絢
古五代新記二卷 舊史貞觀十年春正月壬子左僕
射房玄齡侍中魏徵上梁陳齊周隋五代史詔藏於
秘閣吳兢以五代史繁雜乃別撰梁齊周史各十卷陳
史五卷隋史二十卷又傷踈畧 文中子繁師玄將著
北齊錄子曰無苟作也 晁氏志嘉祐中以宋齊梁陳
魏北齊周書舛繆亡缺始命館職讎校曾鞏等請詔

藏書之家悉上異本久之始集治平中輦校定南齊梁
陳三書上之劉恕等上後魏書王安國上周書政和中
始皆畢頒之學官

唐南北史

李延壽傳父大師多識前世舊事常以宋齊梁陳魏周
隋天下參隔南謂北為索虜北指南為島夷其史本國
詳他國畧訾美失傳思所以改正擬春秋編年刊究南
北事未成而沒延壽既預論撰所見益廣

表云貞觀以來屢叨史局

乃追修先志本魏登國元年盡隋義寧二年

凡二百四十四年

作本紀十二列傳八十八謂之北史本宋永初元年盡

陳禎明三年

凡一百七十年

作本紀十列傳七十謂之南史其

書頗有條理刪落釀辭過本書遠甚

凡八代合為二書一百八十卷始末

修撰凡

十六載

志李延壽南史八十卷北史一百卷

會要

顯慶四年符璽郎李延壽撰近代諸史南起自宋終於

陳北始自魏卒於隋合一百八十篇號曰南北史上自

製序

唐七十家正史

志乙部史錄十三類一曰正史類七十家九十部四千八十五卷失姓名二家始於司馬遷史記終於隋書志

又有集史總七十三家六十九部見後

司馬氏史記有裴駙徐廣鄒誕生

許子儒劉伯莊之音解班氏漢書有服虔應劭諸葛亮孟康晉灼韋昭崔浩孔文祥劉嗣夏侯泳包愷蕭該陰景倫項岱劉寶陸澄韋稜姚察顏游秦僧務靜李善顏肩頽師古之音注論駁及高宗之銓定失姓名正名氏

義英華二家東漢則有劉珍謝承薛瑩司馬彪劉義慶
華嶠謝沈袁山松范曄張瑩之書劉昭劉熙蕭該劉芳
臧兢太子賢韋機之補注音義三國有王沈陳壽韋昭
晉有王隱虞預朱鳳謝靈運臧榮緒干寶蕭子雲何法
盛及房玄齡等所修宋有徐爰孫嚴沈約王智深齊梁
陳有蕭子顯劉陟謝昊姚察顧野王傅縡姚思廉元魏
北齊周隋有魏收魏澹李德林王劭張大素李百藥令
狐德菜顏師古等不著錄者王元感至裴安時二十三

家一千七百九十卷史記之學則有王元感徐堅李鎮
陳伯宣韓琬司馬貞劉伯莊張守節竇羣裴安時漢
書之學則劉伯莊敬播元懷景姚珽沈遵李善晉書
音注則徐堅高希嶠何超及齊梁陳周隋之史武德
貞觀兩朝史吳兢等唐書國史至裴安時元魏書終
焉隋志正史六十七部三千八十三卷通亡書合

八十部四千三十卷

雜史類阮孝緒撰正
史別繁九十四卷

古者天子

諸侯有國史以紀言行春秋引周志鄭書漢始置太

史公自是世有著述皆擬班馬以為正史作者尤廣一代之史至數十家唯史漢師法相傳並有解釋三國後漢亦有音注中興書目三十二家二千一百二十九卷續目三家七十一卷崇文目三十部一千一百六十二卷景德二年龍圖閣書正史一千四百四十九卷唐承天命世以文理典籍之盛莫若開元竹簡漆書咸萃書秘府鴻生鉅學纂續志錄書分四類其二曰史史分十三類其一曰正史繇漢迄隋篇

目彪列藝文有志具詳登載為部九十為卷四千
八十五總為七十家失名氏者二家遺文古事靡不
畢集觀書於太史氏上下數千載之述作粲然可
考庸撮其要指序於篇端曰史與經同出而異名
若昔四史昉於黃序五史建於蒼錄右言左動官
宿其業言為尚書紀謨訓而舉其綱事為春秋繫
日月而詳其目紀傳猶未分也邦國之志掌於小
史百十二國寶書藏於周室私史猶未作也自鄭書晉

乘魯史秦記而國各有史如南董左氏之流史猶出於一家也逮漢六葉有臣曰遷因羅舊聞終篇麟止而編年之體始變班劉而下波沿景附猶未有正史之名也貴耳賤目見聞異辭而史始雜餘分閏位記注並作而史始偽碁玉錯陳朱紫易混繇是條分科別粹然一出於正者編為正史隋志所錄六十七部三千八十三卷一代史籍至數十家而紀載益詳史漢訓詁師法相傳而義例益明或書事記言於當時而勒成刪定於後代

大策小牘支蕃葉滋溫故知新聳善抑惡皆足以昭法
式垂勸戒豈誇多而愛奇哉有唐肇基繫經補藝五代
史成於貞觀之十禩兩朝史成於顯慶之初元然乙部
著錄尚仍隋書籤牘紛糾寔失緒次號登開元名儒建
議乾元麗正博彙羣書臣述臣欽分部治史越九年仲
冬丙辰臣行冲奏上四錄卷析二百臣照刪為四十卷
凡史錄五百七十一家八百五十七部一萬六千八百
七十四卷曰編年曰偽史雜史曰起居注故事曰職官

傳記儀注曰刑法目錄譜牒地理而正史居其首即篇
目考之史記本於司馬氏而裴徐鄒許劉之音解列焉
漢書本於班氏而服應孟晉崔孔諸葛夏侯包蕭陰項
陸姚李顧二韋二劉二顏務靜之音注論駁及高宗銓
定名氏英華附焉東漢始於劉珍之記二謝薛司馬劉
華袁范張譔其書三劉蕭臧及太子賢韋機釋其義以
至王沈陳壽韋昭纂三國之事隱預鳳靈運榮緒寶子
雲法盛玄齡輯二晉之史宋齊梁陳則徐孫沈王蕭劉

謝顧傳二姚續汗青之緒元魏北齊周隋則二魏王張
二李令狐顏氏擅載筆之美縹囊碧軸淵聚林岬治亂
興替之鑒是非褒貶之論袞斧於既往著蔡於將來天
球河圖金匱玉版成一王法為萬世則緯經綴道囊括
古今茲七十家之醇駁雖殊而廣記備言不可以闕遺
也或者猶曰史之失自遷固始夫敘一時之事編年為
善敘一人之事紀傳為優旨哉皇甫湜之言曰合聖人
之經以心不以迹得良史之體在適不在同吾有取焉

緬稽唐朝簡冊尤備倣四繫之法則有唐厯春秋總二
史之載則有起居注實錄書政事議論之詳則有日厯
時政記會要肇於貞元玉牒創於開成惟紀表志傳為
一代鉅典冠冕史錄其以是與按六典卷部與隋志同
藝文志正史之末附以通史南北史之屬五家六部一
千二百二十二卷謂之集史諸儒立言日新月益不著
錄之書若王元感之下徐李陳韓司馬劉張實裴皆史
記之學也劉伯莊之下敬元姚沈李徐高何皆漢晉書

之學也繼以武德貞觀兩朝史齊梁陳周隋史唐書國
史終於裴安時元魏書凡二十三家為卷一千七百九
十皇朝崇文總目三十部二千一百六十二卷云

擬序

唐武德貞觀兩朝史

志八十卷長孫無忌令狐德棻顧胤等撰 會要顯慶

元年七月三日無忌于志寧崔敦禮令狐德棻李義府

劉胤之楊仁卿李延壽張文恭修國史成起義寧盡貞

觀末凡八十一卷藏於內府 通鑑咸亨四年三月丙

申詔劉仁軌等改修國史以許敬宗等所記多不實故也
會要長安三年正月一日敕李嶠等修唐史采四方之志成一家之言

唐武德以來國史 唐史 唐國史 唐書備

闕記

韋述傳初令狐德棻吳兢等撰武德以來國史皆不能
成述因二家參以後事遂分紀傳又為例一篇

開元十九年三

月蕭嵩欲蚤就復奏起居舍人賈登著作佐郎李銳助

述紬績速成文約事詳蕭穎士以為譙周陳壽之流改
國子司業充集賢學士述典圖書踰四十年任史官二
十年史才博識所著書二百餘篇行於時 柳芳傳肅
宗詔芳與述綴輯吳兢所次國史述亡芳緒成之興
高祖訖乾元凡百三十篇叙天寶後事棄取不倫史
官病之 舊史云芳勒成國
史一百三十卷 吳兢傳景龍間任史事私
撰唐書唐春秋未就至開元中丐官筆札與得成書
詔就集賢院論次時張說在家修史大臣奏國史不

容在外詔兢赴館撰錄久之貶荊州司馬以史草自

隨蕭嵩領國史奏遣使者就兢取書得六十餘篇

舊史

云奏取兢所撰國史得六十五卷 吳兢撰國史為
則天本紀次高宗沈既濟請合中宗紀 會要吳兢

云帝裁王言
所書至重

志唐書一百卷又百三十卷吳兢韋

述柳芳于休烈等撰國史百六卷又百十三卷雜史吳

兢唐書備闕記十卷

書目卷同集高宗武后中唐
宗五朝政事以備史官之闕

按藝文志唐書百卷又百三十卷國史百六卷又百十

三卷吳兢傳撰唐書唐春秋未就詔就集賢院論次柳

芳傳亦曰芳緒成國史興高祖訖乾元凡百三十篇舊傳韋述補遺續闕勒成百十三卷蓋兢書百卷而芳所著百三十卷述書百十三卷云 舊史德業兢累有修撰未成一家言韋述始定類例補遺續闕勒成國史一百十三卷并史例一卷事簡記詳有良史之才 集賢注記史館舊有令狐德棻所撰國史及唐書皆為紀傳之體令狐斷至貞觀牛鳳及迄於永淳及吳長垣在史職又別撰唐書一百一十卷下至開元之初韋述綴輯

二部益以垂拱後事別欲勒成紀傳之書蕭令嵩欲早

就奏賈登李銳太常博士褚思光助之又奏陸善經梁

令瓚入院歲餘不就張始興為相薦起居舍人李融專

司其事諫議尹愔入館為史官未施功而罷

詳見續春秋又見

史館 史通長壽中春官侍郎牛鳳及斷自武德終於弘

道撰為唐書百有十卷發言怪誕叙事參差既而悉焚

姚思廉許敬宗諸本欲使其書獨行由是皇家舊事殘

缺盡矣 舊史于休烈奏國史一百六卷開元實錄四

十七卷起居注并餘書三千六百八十二卷並在興
慶宮史館以家藏國史一百十三卷送於官 志目
錄類唐書叙例目錄一卷孫玉汝列聖實錄目二十
五卷 張說曰高宗朝修史學士有十九人 李翱
曰唐有天下聖明繼於周漢而史官叙事曾不如范
曄陳壽所為

唐在外修史

會要開元八年十二月二十日詔張說修國史仍齎史

本就并州隨軍修撰

雖致仕一歲亦修史於家

十四年七月六日敕

吳兢就集賢院修唐書二十五年六月二十六日詔左

丞相張說在家修史李元紘奏就史館從之長慶三年

六月監修國史杜元穎奏班固居鄉里而繼成漢書陳

壽處私家而專精國志玄宗國史張說在本鎮兼修代

宗編年令狐峘自外郡奏上其沈傳師分修憲宗實錄

就湖南修畢先送史館制可

史通曰班固成書出自家庭陳壽為志創於私室

宋朝宋祁就亳州修唐書

皇祐三年三月乙卯

汪藻即湖州領日

歷紹興初

唐書 嘉祐新唐書

中興書目五代晉宰相劉昫史官張昭遠等撰唐三百年間國史野錄參錯不一至昫刪集為紀二十志五十列傳一百五十凡二百卷

開運二年六月
上計二十帙

國史志慶

歷五年

五月四日己未

詔王堯臣張方平宋祁等刊修

慶歷四年賈昌

朝建議
修唐書

久而未就至和初

至和元年
八月戊申

乃命歐陽修撰紀

表志宋祁撰列傳范鎮王疇宋敏求呂夏卿劉義叟同

編修

嘉祐三年十月庚子命參政曾公亮提點編修唐書

凡十有七年至嘉祐五

年而成提舉曾公亮上之

七月戊戌一本云六月二十四日進呈

紀十志

五十表十五列傳百五十凡廢舊傳六十一增新傳三

百三十一又增三志四表凡二百二十五卷錄一卷

舊史

凡一百九十萬字新史凡一百七十五萬九百三十字制詞謂閏富精覈度越諸子

修等進秩

庚子宣和中進士李繪以舊書參新書而為之注崇寧五

年董衡為釋音二十五卷吳縝糾繆二十卷宋祁傳

修唐書十餘年

皇祐元年刊修

自出亳州皆以藁自隨撰列傳

一百五十卷 進唐書表唐有天下幾三百年其君臣
行事之始終所以治亂興衰之迹與其典章制度之英
宜其粲然著在簡冊而紀次無法詳畧失中文采不明
事實零落蓋百有五十年然後得以發揮幽昧補緝闕
亡黜正偽謬克備一家之史其事則增於前其文則省
於舊至於名篇著目有革有因立傳紀實或增或損義
類凡例具載別錄 晁氏志劉昫因韋述舊史增損以
成繁畧不均多所漏闕又是非失實嘉祐中歐陽修宋

祁撰新書議者頗謂永叔學春秋每務褒貶子京通小學唯刻意文章采雜說既多有失實之歎

樊先生注新書紀十卷

呂夏卿唐書直筆新例一卷

五代史 五代史記

中興書目一百五十卷薛居正等撰 開寶六年四月

二十五日戊申詔梁後唐晉漢周五代史宜令參政薛居正監修盧多遜扈蒙張澹李穆李昉等同修七年閏十月甲子書成凡百五十卷目錄二卷賜器帛有差其

事凡記十四帝五十三年為紀六十一志十二傳七十

七

其書取建康實錄為準
胡旦以為褒貶失實

書目又七十四卷歐陽修

撰徐無黨注紀十二傳四十五考三世家及年譜十四

夷附錄三總七十四卷修沒後

熙寧五年八月十一日

詔其家上

之

十年五月庚申詔載秘閣

吳縝纂誤三卷

天聖五年二月丙申

楊及上重修五代史上謂輔臣曰五代事不足法王曾

曰安危之迹亦可監也

淳化太祖紀

雍熙四年九月直史館胡旦請修紀表志傳詔以史館
西廊置修史院淳化五年十月丙午翰林學士張洎等
上重修太祖紀十卷以朱墨雜書凡躬承聖問及史官
採摭之事即朱以別之先是淳化五年四月癸未以李
至張洎張佖范杲同修國史宋人殺其大夫咸平
元年八月壬戌修國史內翰宋白上言請與學士宋
湜秘閣校理吳淑等同就秘閣編錄太祖國朝史從
之其後白等又請錢若水同修詔可魏太和以史

職隸中書唐貞觀移史館於門下我朝因之率以台鉉
典領

景德太祖太宗兩朝史

景德四年八月丁巳

二十四日

詔修太祖太宗正史令宰臣

王旦監修國史以知樞密院王欽若陳堯叟參政趙安
仁並修國史翰林晁迥楊億同修直史館路振崔遵度
為編修官先是九月辛卯賜宴修史院三年二月辛巳
詔知制誥朱巽直史館張復同編排兩朝日歷時政記

起居注行狀諸司文字委欽若總領初成紀一卷帝取
觀錄紀中十二餘條付史官改正自此每一二卷皆先
進草本多所改易祥符四年又取夏竦為編修官八年
十月己丑旦等上太祖太宗紀贊論各一首九年二月
十二日丁亥史成旦率史官詣崇政殿以獻凡百二十

卷目錄一卷帝紀六

太祖太宗各三

志五十五

天文三地理七律歷三禮四五

行二藝文七樂三職官九河渠二選

列傳五十九

后妃一宗

室一臣僚四十八夷九

優詔答之戊子加旦守司徒修史官趙安

仁晁迫陳彭年夏竦崔遵度竝進秩賜物王欽若陳堯

叟楊億嘗預修亦賜之

第賜器幣襲衣金帶
命其於修國史院

天聖三朝國史

三朝 三朝 見
政範 聖政 後

祥符九年監修國史王旦上太祖太宗兩朝國史其修

真宗實錄未為紀傳天聖五年二月癸酉仁宗詔曰先

朝正史久而未修年紀寔遠事成淪墜宜令參政呂夷

簡副樞密夏竦修國史宋綬劉筠陳堯佐同修仍命宰

臣王曾監修又命館閣王舉正李淑黃鑑謝絳為編修

復命馮元同修初於宣徽院編纂後移中書命三司檢討食貨事件三館供借書籍擇司天官編綴天文律厯志帝紀贊論呂夷簡奉詔撰紀即夷簡夏竦修撰餘皆同編修分功撰錄六年八月詔別修志傳委綬看詳其帝紀專委夷簡竦八年六月十一日癸巳夷簡等

曾率夷簡

上詣崇政殿上進賜宴遷官賜衣帶器幣先是太祖太宗紀六志五十五傳五十九目錄一凡百二十卷至是修真宗史成增紀為十志為六十傳為八十總百五十

卷此所謂三朝國史也

凡紀十卷志增道釋符瑞為六十卷列傳八十卷總一百五十

卷

甲午夏竦等遷官各賜襲衣金犀帶器幣有差監修而下進秩而夷簡辭之

熙寧修仁宗英宗兩朝正史

熙寧十年五月戊午詔修仁宗英宗兩朝正史以宰臣吳充提舉龍圖閣直學士史館修撰宋敏求編集賢院學士蘇頌同集賢校理王存黃履林希同為編修官七月辛未率官屬以二帝紀草二冊進呈上服靴袍御資

政殿學士內侍進案充與敏求進讀上立而覽之顧問
反復至讀畢始坐充等降階以謝又命坐賜茶

元豐兩朝正史

熙寧十年丁巳五月戊午命官修兩朝正史元豐五年

六月甲寅修成一百二十卷紀五卷志四十五卷

天文至河

果傳七十卷

比之實錄事述頗多但非冠準而是丁謂託之神宗詔旨

上御垂拱殿

引監修國史王珪修史官蒲宗孟李清臣王存趙彥若
曾肇進讀紀賜珪宗孟銀絹對衣金帶清臣等遷官及

與修史官蘇頌黃履林希蔡卞劉奉世以他職罷去各
賜銀絹有差故相吳充故史館修撰宋敏求賜銀絹七
月丁未以史成於垂拱殿燕修史官 三朝史天
聖五年二月修至八年六月成凡歷四年 兩朝
史熙寧十年五月戊午修至元豐四年六月成凡
歷五年

元豐修五朝史

四年七月二十四日己酉詔直龍圖閣曾鞏素以史學

見稱士類見修兩朝國史將畢當與三朝史通修成書

是年十一月廢編修院入史館

宜以鞏充史館修撰專典史事十一月

鞏上太祖總論不稱上意五年四月遂罷修五朝史

紹興七朝史

九年正月丙申

十五日

王銍上元祐八年補錄及七朝國

史遷一秩銍以建隆至元符信史屢更書多重複乃以

七朝國史自紀志傳外益以宰執宗室世表公卿百官

年表然所修不克成

紹興修三朝史

神

哲

徽

二十八年八月戊子朔置國史院修三朝正史

一云七月丙子

置國史院

三十一年提舉陳康伯奏乞進呈帝紀三十卷至

乾道二年閏九月二十九日

已

上與太上皇帝聖政同

進呈奉安於顯謨閣

淳熙修四朝史

淳熙五年四月禮部侍郎同修史李燾言今修四朝正

史開院已十七年

自開院至成書凡二十有八年

乞降睿旨責以近限

庶幾大典早獲備具詔限一年至七年十二月十二日

國史院上四朝正史志一百八十卷

地理一志全出李燾之手餘多采續

通鑑

十二年七月同修史洪邁奏神宗至於欽宗傳叙相

授閱六十五年除紀志已進外當立傳者千三百人其

間妃嬪親王公主宗室幾當其半乞倣前代諸史體例

分類載述不必人為一傳至十三年十一月

二十日

上國

史列傳一百三十五卷

宣仁欽聖傳居首

目錄二卷初乾道二

年胡元質言三朝之史開院纂輯累年於茲竊見靖康

繼宣和之後以功緒本末則相關以歲月久近則相繼
伏望併修欽宗帝紀繳進名為四朝國史四年三月二
十四日詔進呈欽宗實錄并本紀已畢就修纂四朝正
史從洪邁之請也十三年八月十九日邁又請通修九
朝正史上許之復言制作之事已經先正名臣之手是
非褒貶皆有据依乞命史官無或刪改書未就而邁去
國 初元祐七年七月十二日詔范祖禹趙彥若
修神宗正史呂大防提舉八年三月二十二日已

亥進紀草元符元年四月進帝紀二冊崇寧三年
書成八月三日進 大觀四年四月二十九日命
鄭久中等修哲宗正史政和二年四月三日帝紀
成四年五月二十二日進哲宗正史帝紀表志傳
目錄總二百十卷

淳熙東都事畧

淳熙十三年八月二十六日知龍州王稱上東都事畧
百十三卷

紀十二世家五列
傳百五附錄八

明年春三月除直秘閣其

書特掇取五朝史傳及四朝實錄附傳而微以野史附益之

淳祐四朝史

淳祐二年二月進紀十一年命史官分撰志傳編修官王撓撰輿服志四卷寶祐二年八月二十三日癸巳進志傳五年閏四月四日修潤上之

宋朝蘇氏古史 劉義叟十三代史志

書目六十卷蘇轍作因司馬遷史記上觀詩書下考春

秋及秦漢雜錄起伏義神農訖秦始皇帝為七本紀十六世家三十七列傳謂之古史紹聖二年三月戊子遜為注其去取之意 劉義叟著十三代史志劉氏輯歷春秋災異南北史韻目 古者無國無史史未嘗一日無書漢法太史公位丞相上唐及本朝宰相兼史官其重如此故書榻前議論之辭則有時政記錄柱下見聞之實則有起居注類而次之謂之日歷修而成之謂之實錄所以廣記備言垂一代之典

也韓宣子見易象魯春秋而知周公之德則守文者不可無史蕭何收秦圖書而知天下阨塞戶口彊弱則創業者不可無史江淹有言修史之難無出於志司馬遷曰書班固曰志蔡邕曰意華嶠曰典張勃曰錄何法盛曰說餘史並謂之志古所謂良史者明周萬事之理道適天下之用智足以通難知之德文足以發難顯之情司馬談之子遷劉向之子歆班彪之子固王銓之子隱姚察之子簡李大師之子

延壽劉知幾之子餽繼世汗簡 非遷固之博聞不
足以網羅放失非南董之遺直不足以裁正是非

通倚相丘索之書專羊盼春秋之學 光武注記定

於永平神堯實錄上於貞觀 采四方之志成一家

之言 業鉅事叢簡策挈繁 蕭斧哀章一言褒貶


芸籤縹裘百世勸懲 綜覈班紀發揮蒼雅 鉤深

學海囊括詞林 玉琰其版金滕其匱 四皇墳六

帝典

在漢之初史職為盛郡國文計先集太史之府欲其詳
悉於體國也必閱石室啓金匱抽裂帛檢殘竹欲其博
練於稽古也是立義選言宜依經以樹則勸戒與奪必
附聖以居宗然後銓評昭整苛濫不作矣然紀傳為式
編年綴事文非汎論按實而書歲遠則同異難密事積
則起訖易疎斯固總會之為難也或有同歸一事而數
人分功兩記則失於複重偏舉則病於不周此又銓配
之未易也俗皆愛奇莫顧實理傳聞而欲偉其事錄遠

而欲詳其跡於是棄同即異穿鑿傍說舊史所無我書
則博此訛濫之本源而述遠之巨蠹也



王海卷四十六